

გორში 2016 წლის სახელმწიფო ბიუჯეტის პროექტი განიხილეს

03 ნოემბერი 2015

პარლამენტის საფინანსო – საბიუჯეტო კომისიისა და შიდა ქართლის სამხარეო ადმინისტრაციის ორგანიზებით 3 ნოემბერს გორის უნივერსიტეტის მცირე დარბაზში 2016 წლის ბიუჯეტის კანონ-პროექტის განხილვა მოეწყო. შეხვედრას საპარლამენტო კომისიასთან ერთად სამინისტროების, გუბერნატორის ადმინისტრაციის და ადგილობრივი თვითმმართველობების წარმომადგენლები ესწრებოდნენ. პროექტის განხილვაზე იმყოფებოდა მაჟორიტარი დეპუტატი მალხაზ ვახატანგაშვილი. მომავალი წლის ბიუჯეტის განხილვა კითხვა-პასუხის რეჟიმში წარიმართა, მედიისა და სამოქალაქო საზოგადოების წარმომადგენლებმა სამინისტროების წარმომადგენლებს კითხვები რეგიონის მნიშვნელოვანი გამოწვევებისა და საჭიროებების შესახებ დაუსვეს, რასაც მათი მხრიდან შესაბამისი პასუხები გაეცა. პარლამენტის საფინანსო-საბიუჯეტო კომისიის ორგანიზებით 2016 წლის სახელმწიფო ბიუჯეტის პროექტის განხილვასთან დაკავშირებით შეხვედრები საქართველოს მასშტაბით რეგიონებში წლის დასრულებამდე გაგრძელდება.